

立夏名句

1.
四时天气促相催，一夜薰风带暑来。陇亩日长蒸翠麦，园林雨过熟黄梅。
莺啼春去愁千缕，蝶恋花残恨几回。睡起南窗情思倦，闲看槐荫满亭台。
——赵友直《立夏》
2.
晨起披衣出草堂，轩窗已自喜微凉。余春只有二三日，烂醉恨无千百场。
芳草自随征路远，游丝不及客愁长。残红一片无寻处，分付年华与蜜房。
——陆游《立夏前二日作》
3.
江上茅堂柳四垂，又逢旅次过春时。雨多苔蚀悬琴壁，水满蛙生洗砚池。
风浦萧萧帆过疾，烟空漠漠鸟来迟。避喧心事何人解，窗下幽篁许独知。
——张揆《立夏日晚过丁卿草堂》
4.
赤帜插城扉，东君整驾归。泥新巢燕闹，花尽蜜蜂稀。槐柳阴初密，帘栊暑尚微。
日斜汤沐罢，熟练试单衣。——陆游《立夏》
5.
炎官司印未十日，暑气駸駸著病翁。卷地吹来忽惊散，今朝还遇楝花风。
——舒邦佐《立夏后熟甚既而楝花风作极寒》
6.
蜀江云里唤钩釐，几片残花万树稠。未换征衣逢入夏，一年春事在行舟。
——蔡汝楠《将出峡立夏前作》
- 7.

欲知春与夏，仲吕启朱明。蚯蚓谁教出，王菰自合生。帘蚕呈茧样，林鸟哺雏声。渐觉云峰好，徐徐带雨行。——元稹《咏廿四气诗立夏四月节》

8.
青梅未了已朱樱，春尽曾无十日晴。稍欲出城问蚕麦，生愁城外杜鹃声。——方回《今春苦雨初有春半曾无十日晴之句去立夏无几》

9.
渐老绿阴天，无家怯杜鹃。东风有今夜，芳草又明年。蚕熟新丝后，茶香煮酒前。都将南浦恨，聊寄北窗眠。——杨基《立夏前一日有赋》

10.
爱栽竹树爱栽花，新筑船轩傍石斜。古庙炷香知某客，半山摇扇望吾家。閒看红袖穿林去，可着冰纨作画夸。说似渠侬应未信，诗翁烦恼政如麻。——方回《立夏明日行园无客五首》

11.
乍认东庄路不真，有桥通市却无邻。山穷借看堂中画，花尽来寻竹主人。烂熳笊麻发新兴，留连樱笋送残春。与君再见当经岁，分付清觞缓缓巡。——沈周《立夏日山中遍游后夜宿刘邦彦竹东别墅》

12.
一樽开首夏，独对落花飞。幽僻还闻鸟，清和未换衣。绿帟槐影合，香饭药苗肥。尽日柴关启，蚕家过客稀。——蔡汝楠《山中立夏即事》

13.
舜柏森森拂绛霄，薰风瑟瑟动云璈。琳房遍设沉榆席，金檠齐燃绿桂膏。秘册十行开凤检，灵辉三烛驻霓旄。香飘员峤空歌歇，北斗阑干月殿高。——刘筠《立夏奉祀太一宫》

14.
改序念芳辰，烦襟倦日永。夏木已成阴，公门昼恒静。长风始飘阁，叠云才吐岭。坐想离居人，还当惜徂景。——韦应物《立夏日忆京师诸弟》

》

15.

小楼欲不怕泥行，春半曾无十日晴。老眼看花如隔雾，只消卧听卖花声。
——方回《今春苦雨初有春半曾无十日晴之句去立夏无几》

16.

堤边树子最无情，恰则春归第一程。舞向南风浑不住，叶间羞损旧啼莺。
——项安世《立夏日南风大作二首》

17.

一月厌雨声，忽逢今日晴。春从花上去，风过竹间清。睡美新茶熟，身闲野服轻。近来多坦率，客至倦逢迎。
——胡俨《久雨喜晴明日立夏》

18.

衲朝袂暮午衫单，始觉春归不再寒。些子幽花三两亩，霎时啼鸟百千般。
世情落落全相背，诗律平平略放宽。连日饮徒偶焉往，自炊香薤五盘餐。
——方回《立夏明日行园无客五首》

19.

尚欠佳篇与送春，只缘醉卧动经旬。偶无载酒相过客，始是吟诗自在人。
喜见笋芽穿瓦石，都忘雨点渍衣巾。园林全赖东风力，莫道南风便有神。
——方回《立夏明日行园无客五首》

20.

读书听雨过三更，定是明朝又不晴。就枕未鼯饥鼠出，掀书舐砚上灯檠。
——方回《今春苦雨初有春半曾无十日晴之句去立夏无几》

本文链接：<https://duanjuziku.com/duanjuzi/d5zde04ns3.html>